

古尊宿語錄卷第三十九

士三

僧錄司右闡教兼鐘寧容禪寺住持 淨戒 重校
洞山禪師大鑑下世嗣靈門

洞山第二代初禪師鳳翔良原傳氏于兒聞
鐘梵聲輒不食危坐終日年十六依渭州
峒沙門志齡剃髮受具遊律寺執卷坐騷坐
三

夏長沙詣雲門契機後住洞山上堂云楚山
北面漢水南江擊法鼓而會禪徒舉宗風明
祖道若以揚眉瞬目堅拳豎指營炊咳嗽是
廚中找鉢帛道什麼會也無也是衲僧破草
鞋者瞎漢者漆桶是个弄精鬼鬼慙與麼搵
不與麼是東司頭廁籌子以此稱提從上來

事盡是邪魔所作謗大乘滅胡種與你天地
懸殊且道衲僧據什麼道理出來對衆道看
折脚鎰子各出一隻手貴得宗乘不斷亦表
叢林有人有麼若無洞山不惜眉毛打著藤
去也葛藤之事只在目前万像森羅乾坤大
地百千諸佛日月星辰地獄三途起心動念
每日經歷皆是諸德自己何不向這裏體當
尋覓看果然覩得個儻分明不虛行脚也自
得个安樂田地洞山此語且作死馬醫若據
明眼衲僧將草鞋葛口望還恠得他也無恠
即不恠你道恠个什麼捉得將來脚跟下推
尋毫末差起折你脚莫籠心好便下座

上堂良久有僧問列祖昇堂人天堅請不昧
宗乘乞師指示師云頭顱髻耳卓朔僧云一
句流通人天聳耳師云墨緣欄杉日裏晒進
云師唱維家曲宗風嗣阿誰師云重言不當
吃問赤水求珠猶是人間之寶和雲唱出猶
非格外之談未審今日將何示人師云夜間
祭鬼鼓朝曉上灘歌問言超象表青霄外出
語幽玄事若何師云岸上行人聲有韻船中
漁父和不齊云幽玄事若何師云鉤長線短
問從上來事未有人當頭道得請師當頭道
師云八十翁翁不拄杖問師引出潭中意
直透青霄事若何師云甲己之年丙作首云

今日事若何師云大好雪晴問道本無言如
何理論師云十里鼓問如何是古佛心師云
巢知風穴知兩問佛法兩字即不問如何是
從上來事師云眼裏瞳人吹木笛問百尺竿
頭須進步如何是進底步師云炎裏放木毬
問如何是諸佛出身處師云寒山不語拾得
笑問緣生便死時如何師云鍾馗解舞十八
拍問如何是正法眼師云紙撚無油問智不
落千差請師通不犯師云饒餅搥錫問不當
之言請師不發師云水流霧下云誠如是言
師云人無遠慮必有近憂云與麼則因地而
倒因地而起師云不當之言不發問佛及涅槃

樂並為增語理既如此事又作麼生師云經
述老子誠實之言問如何禪不禪師云胡孫
摘仙果問諸上善人皆說不二法門居士默
然意旨如何師云無目不盡眉問如何是學
人入理之門師云陽烏啼時西嶺上問如何
是學人本源師云山高雲峻問心非意想直
絕功勳如何是心師云燕子不入夢云如何
是道師云還我話頭來問幻與非幻未是學
人極則處如何是入理之談師云八十翁翁
牙不動問見境不動時如何師云眉長三尺
二云如何是見境不動底事師云鼻孔占却
三畝地師乃云明機自昧息慮迷源萬法同

塵語默難顯不是情中法莫生種種心離此
章句別有商量且道離却作麼生商量還有
委悉者麼明明地揀破明明地顯示明明地
舉唱明明地誦詠更無囊藏被蓋純說乾爆
爆地禪若是靈利禪僧纔聞舉著便合眼卓
朔地知个落處豈不是自家具眼其奈罕遇
奇人十三蓋緣洞山這裏言無味食無味法無味
無味之句塞斷人口兄弟到這裏難為湊泊
若向這裏覷得分明天下尊宿到與不到徹
與不徹惹被你驗破何故蓋智有邪正道有
虛偽多只與麼心機意識認得門前屋後底
學得路布葛藤一堆一擔蓋在胃襟道我會

揮會道還夢見揮道也未喚作打頭不過作
家到光只成惛惛待到明朝後日暮箇地踏
著正脉省前所行履處方始羞見本命元辰
下座問隘路不通風如何通得信 師云翻
著襴衫戴席帽問如何是道 師云啄云如
何是道中人 師云失啄問平常心是道如
何是平常心 師云路不拾遺問和尚百年
後向什麼處去 師云從上孔丘甲乙己
云此意如何 師云不會即問人問如何是
和尚撲不破底句 師云親問却火洞然大
千俱壞未審這箇壞不壞 師云天降蒲薄
帝方圓一尺餘問大通徹底人作何語話即

得不傷物義 師云道士登醮壇問登而
不清混而不濁時如何 師云額裂幞頭
問萬法歸一一歸何所 師豎兩指云如
何得歸一去 師云學語之流問如何是
清淨法身 師云烏龜不入水陸地弄塵行
問如何是洞山圓鏡 師云人將語試水
將杖試問不向心頭安了義如何達得祖
師言 師云六脚蜘蛛上板床問動轉無
私如何施設 師云撈問根本智中如何
趣向 師云把火照魚行問如何是正法
眼 師云郭郎鼻孔云還鑒照也無 師
云纖毫忽見問言不投機請師提撕 師

云六七對夜月 問言無朕跡如何理論
師云鍾馗不讀書問三界唯心萬法唯識識
即不問如何是心 師云泥裏蝦蟆裏走
旱地地師水底行 問如何是透法身句
師云兩箇布針三箇眼 問如何是出家師
云剃頭不持鉢

師乃云舉唱宗乘闡揚大教須得法眼精明
方能鑒辯縑素切緣真要一源水乳同器到
此難分洞山尋常以心中眼觀身外相觀之
又觀乃辨真偽若不如是何名善知識者夫
善知識者駟耕夫之牛奪飢人之食方名善
知識即今天下那箇是真善知識諸德然得

幾箇善知識來也不是等閑直須參教徹觀
教透千聖莫能證明方顯大丈夫兒不見釋
迦老子明星出時豁然大悟與大地衆生同
時成佛無前後際豈不暢哉雖然如是若遇
明眼衲僧也好擗脊捧便下座
問法不孤起仗境方生向上一路請師便道

師云聽事不真喚鍾作甕 問如何是道師
云竹竿頭上禮西方問如何是洞山水師云
雲裏電子 云飲者如何 師云大小問朕
北未生以何為證 師云烏龜背上紋 問
金鱗不點額時如何 師云左眼半斤右眼
八兩 問如何是免生死底人 師云措大

席帽 問絕功勲處如何趣向 師云鐵子
不食鐵 問如何是摩尼珠 師云手勢針
筒腰懸藥帔 問如何是大通徹人 師云
漢高大王 問佛法無形從何建立 師云
神前木虎子 問諸方盡落繯模請師出窠
道 師云十八女兒不繫裙 云與麼則平
地起骨堆 師云自領出去問奔流渡刃疾
焰過風時如何 師云平常心是道僧問如
何是透法身句 師云土星犯牛宿 問忘
言事不到開口理相乖未審如何即是 師
云釋迦老子頭白 問承教有言如人含一
口水自不能言萬法不出於心各各皆住本

位當與麼時請師接 師云六隻骰子不成
雙云畢竟如何 師云揲標嫌水淺問石門
遷化向什麼處去 師云麝香不合藥 問
學人未達本源時如何 師云脚底毛生問
遠遠投師時如何 師云爭恠得老僧 云
終不敢造次 師云恰似不齋來 問如何
是頭頭物物盡底句 師云三歲孩兒入戲
場 問路逢達磨時如何 師云鼻孔大小
問四海無浪月輪孤時如何 師云眼裏眉
鬚長二尺 問不落心機意識乞師一句
師云楚山入漢水 云未會請師更道 師
云湖南揸子 問不惜時機用如何話祖宗

師云三箇胡椒兩塊錫問如何是不動底
心師云賜紫金魚袋問生死海中以何
為津梁師云年盡不燒錢問祖師西來
唯傳一心諸方為何什麼各說異端師云貪觀
白浪失却手撓問龍庭金口問如何對玉機
師云海底紅塵起石裏瑞花生問智滿千重
鐺如何擘得開師云波斯不戴帽問三乘十
二分教即不問祖師西來意請師直指師云
小兒不著鞋問如何是和尚臨機為人一句
師云官差不自由云與麼則得一失一也師
云自知較多少問大用現前時如何師云天
不長惡問文殊問維摩以何為入不二法門

維摩默然未審意旨如何師云六隻骰子一
時赤問如何是當處常湛然師云淨手焚香
云如何是覓即知君不可見師云觸手拈經
問如何是竺土大僊心師云草鞋不入市問
鐵石之心如何去得師云張良下殿走問如
何是入不二法門師云眉長三尺二

上堂云語中有語名為死句語中無語名為
活句諸禪德作麼生是活句到者裏寔難得
人若也不動一塵不撒一境見事便道答話
長老下脚不得東西南北莫知多少要得去
離泥水活人眼目舉唱宗風激揚大事不道
全無其奈運少即緣未達其源落在第八魔

境界中識得箇不名不物無是無非頭頭物
物無不具足道我得安樂田地更不求餘九
有扣擊問難即便敲床豎拂更不惜便施便
說便行便用向惡水坑裏頭出頭沒弄箇無
尾糊搥到臘月三十日鼓也打破糊搥又走
却了手忙脚亂一無所成悔將何及你若
是箇衲僧乍可凍殺餓殺終不着你鶻臭布衫
便下座問不犯一切請師提綱師云瘞子得
夢問如何履踐即得無誑訛師云見之不取
思之千里問劫火洞然大千俱壞未審什麼
人為主師云陳平不舉令問如何是和尚
不打破底句師云孫臏不入市問如何是真出

家師云剗除鬚髮云只者莫便是也無師云
因什麼五戒不持問言無展事意旨如何師
云漢江不渡船問不落是非請師道師云責
云慈悲何在師云苦口是良藥問如何是禪
師云熊耳山下問實際本無憑何建立師云
新豐老人八十八問真源無朕兆如何話祖
宗師云起席不謝坐問如何是清淨法身師
云敬土裏雀兒問如何是佛法大意師云二
日風五日雨問如何是露地白牛師云針劄
不入云飲散何物師云一任東西問如何是
通身一句師云月似彎弓少雨多風問如何
是道師云頭不梳面不洗問牛頭未見四祖

時如何師云三山帽子大袖布衫云見後如何師云市食齋僧問一言道盡時如何師云吉凶不上卦問月不當戶時如何師云矮子騎馬問如何是真空妙用師云契書鐵券權為用妙句無私也是開問絕點無蹤時如何師云尖斗量不盡問如何是學人佛性師云來日二十七問如何是衲僧本分事師云駱駝渡漢江問如何是親切一句師云達磨無當門齒上堂學須實學見須實見若未諦見當須克已參尋博問先達稍是不得且向洞山處討箇入路一切塵刹一切境界一切佛界一切衆生界盡十方界一切物類一

時拈來手內在眼睛裏亦無來往等相不礙見聞覺知舉起一足乾坤一時震動行若一步海水盡皆波濤湧沸提起一足須弥山百雜碎唾一唾虛空撲落地諸德每日受用還自知也無洞山不獲已且作死馬醫對上機兄弟面前渾成一場笑具向他上機人前說箇什麼即得挨一挨拶一拶喝一喝棒一棒得麼指天指地五言七字得麼好風好雨得麼如斯舉唱過大地攪不轉把掃帚掃作一堆將火燒把筏縛掉放江裏從他流下去且作麼生去也珍重問如何是洞山境界師云村裏人油葫蘆問身手作罪橫羅口舌時如何

師云看錮鏹着生鐵云知過後如何師云望
烟尋食地錯入燒皮家問將何指示令學人
得透金塵師云天子馬蹄鳴問心若無事萬
法不生時如何師云風鈴有韻真堪聽聽得
猶未曲不成問如何是學人本來眼師云旋
風不左轉問維摩掌擎四世界未審維摩身

士三

八

在什麼處師云在閻梨後底云為什麼在學
人後底師云還我話頭來問法無羈鎖為什
麼還入却難師云波斯讀梵書問便典麼去
猶涉程途省力處乞師一言師云腰帶不着
袴問如何是大道之源師云天寬地窄問一
切諸佛及諸佛法從此經出未審此經從什

麼處出師云一字不着點云如何是一字不
着點師云碧眼胡僧笑點頭問如何誰却生
死底句師云掃地添瓶問長蛇偃月即不問
疋馬單鎗事如何師云線大鼻孔小問口欲
談而詞喪心歆緣而慮忘猶是生死邊事如
何是向上事師云阿難不持梵夾問但得本
莫愁末如何是本師云手纖脚大云如何是
末師云量不着上堂云洞山者裏尋常
方丈內不似諸方一个上來一个下去啾啾
唧唧地裏私說底禪道佛法盡是向你兄弟
面前滿口說滿口道滿口拈提滿口藥揀無
你左遮右掩處一時和底翻出諸德作麼生

委志汝試對衆道看譬如太末垂處處泊得
不能泊於火焰上披他諸方老禿甜唇美舌
說作配當道這個是禪這個是道這個是吾
提捏繫這個是真如解脫被丈二釘八尺楔
楔在眼裏不知不覺乍到洞山這裏不知是
何說話會得麼直饒會得真如涅槃菩提解
脫毫末無差也被條繩子於腳眼下繫却不
得出離若是靈利衲僧一咬咬斷作个脫衲
衲僧豈不快哉若三咬兩咬不斷准前打入
骨體杜裏有什麼出頭時洞山事不獲已傍
地裏為你著力珍重問如何是和尚接人一
句即云雞啼不着時隣人半夜行云如何領

會師云一任東西問只與麼便請益時如何
師云千斤秤不佳云烏道不存也師云錯數
定盤星問說者聽者二俱如幻無說無聽時
如何師云馬趁不上云與麼則信受奉行師
云還我話頭來問如何理論即得不昧師宗
師云天地玄黃問不變不動是何境界師云
騰月三十日問如何是一真境界師云衲僧
破草鞋問離却有無請師端的師云三脚鐘
子無耳採問兩處俱亡時如何師云把針失
却線問不歷古今句請師還音師云措大
騎驢云與麼則學人側聆也師云手提巾子
問即今心即不問如何本來心師云腰長脚

短問不動智源如何接物師云大悲菩薩無
手眼問面前三事變背後萬般形如何師云
那吒不識父云如何是那吒不識父師云眼
裏腫人築氣球問匝地普天即不問應機不
失事若何師云三白大衆問如何是正法眼
師云六祖愛喫和羅飯問未曾開口道十方
佛已知時如何師云不來諸比丘說欲及清
淨問生死事大請師相救師云三家村人失
却火問承古有言刹說衆生說三世一時說
即不無未審為什麼人說師云三頭兩面者
云為即不無還當也無師云蝦蟇不出臼問
如何是不從師邊得底事師云夜觀乾象問

釋迦以何為師即得無上菩提師云三千條
罪莫大於不孝問知有亦不立妄有亦不生
正當與麼時如何話道師云六耳不同謀問
如何是大道本源師云赤脚上船問古鏡未
磨時如何師云三番羯磨云羯磨後如何師
云為什麼五戒不持問只者猶不是如何即
是師云天性不喫酒問自古及今不從人得
六祖黃梅夜聞何事師云志公柱杖云得用
時如何師云用那曲尺作什麼問如何是毛
吞巨海師云六祖口唇大問如何是會佛法
底人師云兩道行纏問青青翠竹盡是真如
此理如何師云朝遊山水暮宿草菴問已自

肯已常人知見已不見已時如何師云看錮
錮着生鐵問總伸一問悔思不及請師方便
師云兩得便宜問如何是學人本今事師云
三脚蝦蟇無後脚問目前無朕兆如何顯真
宗師云八十婆娑手擎扇問如何是無心鏡
師云水深三尺云還照學人心也無師云微
膽見問一塵繞舉大地全收如何是一塵師
云波斯上座問只見龜毛長不見兎角生請
師現兎角師云目裏瞳人禁氣迷問然盡停
機是諸佛權行之義向上事請師直道師云
多毋失愛問諸方印心即佛未審和尚此間
如何師云無底標子七八片問如何是趙昆

盧越釋迦之談師云迦葉目視佛 上堂
法鼓總動大地全收諸德在鼓聲裏來往還
知也無對衆道看若道不得被洞山熱瞞下
座 上堂即心即佛破執二疑非心非佛
止宿草庵且居門外向上一路千聖不傳寫
藤言語作麼生是衲僧分上事良久云拈得
出來也是破草鞋便下座 問天堂地獄
是什麼人居止師云洞山問如何是法身師
云穿靴水上行云莫便是否師云水上烏龜
頭赫赤問作止任滅猶是禪那之病如何免
得師云梵僧不袒肩問未問未答如何商量
師云持鉢不得撲破鉢孟問金烏出海耀天

永樂北藏

古尊宿語錄

第一九八冊

地與此光陰事若何師云崑崙渡海誇珍寶
波斯門下聘驢多上堂無邊刹境自他
不隔於毫端洞山魚鼓聲動延慶白馬驚
谷隱師僧盡隊隊入僧堂裏喫鉢諸德識得
幾箇對衆道看若向這裏道得即有可良善
不無行脚若道不得闍老微你草鞋錢有日
在便下座問趙佛超祖人難得請師一
句顯根源師云裁衫錯却領問古寺清幽如
何辯主師云責云作何方便得親慈悲師云
焚香胡跪問不斷佛種請師一言師云犯著
太白星問遠地黃金便典磨用時如何師云
滿天列宿白日兩下上堂諸德提將鉢

囊柱杖千鄉萬里行脚蓋為生死不明要得
達法悟道到處豈無親親尊宿善知識若為
你解粘去縛道眼分明孰別是非堪為師匠
即便拗折拄杖高掛鉢囊取个徹頭真愁不
成辦或若開口動舌說向上向下這邊那邊
玄會妙會道出道入君臣父子明體明用盡
是謗般若埋沒宗風不識好惡屎床鬼子帶
累後人無有了日我下繩床落春棒趁出三
門再教行脚與伊為增上緣也與宗門出得
氣更向其口又手並脚唱諾撮他野狐涎唾
自肯自重云得和尚為我採為我認得个安
樂處還睡覺也未還洒洒也未喚作病不遇

良醫誤服他毒藥認得个驢鞍橋喚作阿爺
下領與你本分事有什麼交涉持知你一生
行脚只是踏破草鞋始終成得个不即溜漢
下去問尅已求真是修行人之大錯能辨邪
正猶幸道體未審如何修證師云六隻骰子
一時赤問不在內不在外不在中間未審在
什麼處師云褊衫不蓋體問如何是學人自
已師云親人不著便問万緣俱罷六戶齊寧
時如何師云天晴不肯去云便與麼去時如
何師云須待雨霖頭問盡大地人來如何指
示師云舌頭柱上脰問請師出桶師云七顛
八倒問心境未明時如何師云吐舌至頂相

問大藏教是一場是非學人親切請師道師
云有手不彈指問天皇打典座意如何師云
喫酒不謝座問如何是學人究竟事師云說
云未審說个什麼師云泥裏撼椿問如何趣
向即得至理無差師云垂釣水上云與麼則
認向途中枉施功師云自知較一半問但得
本莫愁未如何是學人本師云草鞋無底問
如何是塵劫不昧底事師云脫衣不渡水問
添一絨一理歸何所師云三年一閨問其條
道人不可見世間過未審世間有什麼過師云
兩人著非一人著早問烟雲不到處喚作什
麼師云燒錢不及時云與麼則割地作佛後

去也師云自尿不覺是問三身中阿那身說法師云親言出親口問如何是說底口師云還我話頭來問如何是撥塵見佛底句師云楚山頭上搯紅旗問心不是佛智不是道還有過也無師云知他大小問生死根源請師指个入路師云頭破額裂云學人不曾乞師

十三

十三

指示師云天上天下問承古有言天得一以清地得一以寧君王得一治天下衲僧得一時如何師云五九四十五太陽來入戶問佛禪道是同是別師云梳頭不洗面問明月當空如何鑒照師云量之不足問久淘砂磧未覩真金請師指示師云入水不濕脚云與麼

則學人得用去也師云爭奈脚板潤云一言可以喪邦師云不知是不是是即也大奇問諸方盡在繩墨裏未審和尚此間如何師云蒿箭射須弥問扶籬摸壁時人盡知諸佛正法眼請師直指師云夢裏打三更問十二時中行住坐卧自省覺時如何師云看人喫飯云爭奈樹影不斜何云親言出親口問一法若有昆盧隨在凡夫萬法若無普賢失其境界未審如何即是師云眼裏瞳人築氣毬問森羅及萬象皆從一法所印如何是一法師云要你眼作什麼云還許學人受用也無師云可惜許問金鑰現前請師辨師云兩脚蚊

麼吞却月問的言無證時如何師云牙疼灸
左耳云甘苦常言師云聽事不真喚鐘作甕
問如何是不歷巨海獲驪珠底人師云四手
八臂問久昧衣珠請師指示師云磁石不攝
針問寥寥似月廓落三星西土即無此間事
如何師云東南西北問十二時中如何得與
道相應去師云拈東摸西問從上宗乘請師
垂示師云老鴉線斷問一念未生為什麼不
見自己師云割地成牢問盡未來際過法界
中盡此一句時如何師云有錢千里通無錢
隔壁鄰 上堂還丹一顆點鐵成金至理
一言轉凡成聖世間法亦復如是洞山且問

諸德作麼生是轉凡成聖底道理試對衆道
看雖然不出頭肚裏道了也作麼生是轉凡
成聖底道理且道轉个什麼莫瞋瞋作麼生
莫是一喝一棒麼如此見解是街頭巷尾打
鐵鑄輪木棹數珠念喝囉怛那行者輩見解
在你衲僧家合作麼生須是具眼方能辯邪
正莫只與麼過諸德時不待人切須努力賺
一覺起來看取是什麼道理久立珍重問不
與萬法為侶底人還有向上事也無師云道
士頭戴冠問如何是佛師云灼然諦當問如
何是清淨法身師云管窺裏蛆兒問一箭便
中時如何師云過云過在什麼處師云著

十三

十四

上堂且如禪師者須是已事分明具擇法眼
遍叅知識方辨祖宗法胤水乳岐分若不然
者何名柏僧行脚不遇師匠最苦莫過於此
可惜許大丈夫兒莫限限墮地禪德洞山
尋常道待我家園麥熟事持磨麵作个餞餉
屈取東西南北善知識同共一筵破除了盡
與伊出却釘拔却楮拈却炙脂帽子脫却繭
是布衫作个洒洒地禪師後代學人有可依
倚豈不俊哉問如何是古佛鉢師云何不問
云用者如何師云鋤刀子問承古有言諸旋
示息彼物先住尚不可得意旨如何師云盡
空擲骰子
上堂莫捏目妄想恁不如是

道本無機豈留心法諸德且作麼生領會莫
錯會好玃重問承古有言其中長者子个个
盡無棍如何是長者子師云只你是云是个
什麼師云猫兒打筋斗問如何是洞山師云
動則傾湫倒岳不動即天黑地暗問李人欲
殺父殺母如何下手師云急問風不鳴條雨
不破塊是什麼人分上事師云要道即道云
便請道師云分付不著人却令道者恁問久
居洞中為什麼一物全無師云脚大木履小
云如何領會師云直覲步問如何是室中人
云不在外問壁上有一高僧至時還說法也
無師云來去不住問洞山鬱茂為什麼無味

師云驗在目前問朗月當空是什麼人境界
師云關隸境界云為什麼日用不知師云非
洞山過問如何是籠中鳥師云在籠中多少
時云只為籠中鳥師云却飛去問學人欲伸
一問為自己不見時如何師云無背面問朗
月當空為什麼不見自己師云近後問如何
是沙門行師云不損人問雲水是人遊是什
麼人能到峯頂頭師云無是人能行無手人
能執問佛即不問如何是法師云你為什麼
不出家問無佛無人處法從何生師云你在
什麼處出家云現在目前和尚自看師云五
戒也不持問目覩瞿曇猶如黃葉意有如何

師云袁州土宜不出別物問量開無邊為什
麼不容自己師云窄問普溪一句即不問如
何是雲門一句師云天下人喚不著云還當
得生死也無師云是何生死問佛佛相應祖
祖相傳未審相傳底事如何師云此去韶州
八百五十云與麼則有口不如無聲師云速
須懺悔問壁破成狼藉渾崙又不成藥病俱
消處便請師商量師云雲生嶺上水出高原
云與麼則師子吼也師云還我師子吼來問
無心道人還有法示人也無師云黑地入漆
甕云既是無法緣何得入師云到老惺惺問
如何動乾坤底人師云須弥山上打筋斗問

永樂北藏

古尊宿語錄

第一九八冊

乍可永劫受沈淪誓不將身求半偈師云官不容針私通車馬云與麼則和尚容許也師云且領前話問大藏教是个切脚如何是字母師云啞子上刀梯都監太保問眼處入正受諸塵三昧起此意如何師云洞山茶碗裏有太保太保忝碗裏有洞山太保無語將此

十三

十六

話問尊宿谷隱云不落無言說延慶云喚什麼作三昧師問僧莫便是新到否僧云是師云夜來投栖處今朝事如何僧云今朝風較急青山背上行師云不是更道僧云珍重師便打問如何趣向即得至理無差師云垂釣水上云與麼則謬向途中枉施功師云自知

者少問鼓聲絕罷大衆雲臻學人與麼來請師連道師云撥雲看日暈坐水看山行問釋迦掩室於摩竭淨名杜口於毘耶猶是中下之機向上一路請師說破師云玄玄無倚靠迥迥勿人知問輪王寶劔常露現前輪王即不問如何是寶劔師云水裏無魚人皆信空裏行船笑殺人問諸佛非我道誰是最道者師云接上打鼓聽聲在外問父母非我親誰走最親者師云瘋子買甜瓜問真即幻幻即真離此二途如何道師云臨河照影云與麼則义丰當留退身三步師云若不同床卧底知被裏穿罔衆魔到來如何支遣師云鍾馗

辭舞十八拍云還受厭穰也無師云信邪倒見死入地獄問自知當作佛未審什麼人證明師云耆婆賣針筒問寂寂無惺惺時如何師云波斯不過江問藤蘿高萬丈身與白雲齊時如何師云昔時東海曾相識却向西山弄日頭問擬問和尚有煩尊重擬欲不問己

士三

十七

事未明今日上來問即是不問即是師云今日敗闕云為什麼如此師云虛空烜赫無涯岸海月圓時無別天問如何是遠法身句師云千江有水千江月萬里孤舟萬里身問學人擬歸鄉請師指路頭師云楚山頭向東問如何是祖師西來意師云衣衫不整問以字

不成八字不是未審是什麼字師云波斯入市問大海有珠驪龍守護時如何師云因問如何是諸佛出身處師云楚山頭問心外無法不可所求法內無心不可所得離此二途如何是道師云紙上畫鍾馗問真空得之不可妙有得之不有祐僧得之如何師云拈匙不把筍云與麼則一切法常也師云只為不常問承師有言禪子相投西山月落未審露在什麼處師云手裏把釣問心外觀法法不際心心內觀法法源不達如何是本源師云面上眉長三尺二問停真罷想時如何師云水底弄傀儡云誰是看覩者師云停真罷想

者云與麼則大盡三十日小盡二十九也師云你見什麼道理云某甲合與和尚痛棒問知而不悟時如何師云草鞋縫子斷問虛空無口憑何記師云木履嘴長三尺二問撥塵見佛時如何師云幡竿頭上不插標問德山入門便棒臨濟入門便喝未審和尚意旨如何師云尖斗量不盡云還有為人處也無師云頭戴天脚履地上堂洞山普樂無言便托終日現前誰知適莫無遮無障不知不覺更有一言乾乾爆爆歌頌。隨物通真頌并序。至大莫若於道至廣莫若於法無言表而不顯於道無

物象而不出於法。且夫衆生浩浩窮本末以何歸。處處茫茫據生死而何托。洞山聊述一頌。提舉大經。號隨物通真。頌曰。現在目前。何易何難。將何指陳。表法無言。物之有物。言之有言。明明無礙。了了無邊。見之成道。不用再三。物物是我。河沙體全。法法無法。言無可言。眼見耳聞。白日青天。東西南北。竺土大仙。印之可印。燈之燈傳。暑衣喫飯。文殊普賢。手提巾子。赤脚上船。是水是火。本絕諸緣。揮僧座主。庶民大官。寬衣大袖。窄領布衫。接延賓客。對答語言。高之與下。不在詐言。上徹天界。下透黃泉。不是別物。古聖皆傳。得之可保。

見之安然。今之浪說。出自無端。更有一言。好看。明道頌曰。大道坦然。廓落無邊。了了。虛微。寂然何安。含容妙用。隨物方圓。自本心法。衆生迷源。道無別道。玄無別玄。向說不信。須要攀緣。識心是佛。了即是安。心將何識。識者何心。心識兩亡。見道在先。從古至今。躰自如然。凡聖共有。沙界同源。前賢後哲。悟此而傳。著衣喫飯。語默言詮。不是別物。是个癡頑。快須提取。勿放狂顛。巧施妙句。廣引多般。揚眉瞬目。閃爍機關。以此為解。千山萬山人。迷逐物。切要自看。自看得力。諸聖唯則。行住坐卧。皆承恩力。成佛作祖。越此不得。不得。

永樂北藏

古尊宿語錄

伊何。要你消磨。坐看北斗。立觀黃河。天南海北。於我於何。明明了了。你何不曉。惺惺故故。於何不照。世界根源。衆生祖老。終日現在。名善巧。說之已說。聽亦甚好。會與不會。任自長保。真讀。一巧一拙。誰許甄別。青山白雲。兒孫皆說。窮究邪身。頭尖鼻缺。斫額看魚。焚香祭穢。空生幻身。滅幻空存。谷傳其聲。鐘受其音。取之寫趣。号之曰神。一言纔發。四驥難尋。月之有水。鏡之有塵。不可虛傳。洞山之真。身不奇兮。良不揚。語不異兮。法不藏。滿天星宿。号月中。月白日金。烏号海岳。彰我教不寫。又被寫。我教不圖。又被圖。可惜半

第一九八册

死青絲絢。盡了令人笑一場。月兔走入海。
日鳥飛上山。見此若不會。虛度幾千年。
色空頌。眼病生。色空病仍存。真空真色。日
月乾坤。白日買賣。夜裏屈人。東西南北。碧眼
胡僧。示徒頌。洞山寂寞。無可依托。禪子
相投。西山月落。提起來。洞山月冷。雪漫
漫。綠竹清風。刮骨寒。言談語句。無滋味。擇迦
達磨海東邊。投機頌。向你道。泄天機。我
不會。汝惺惺。過法界。何不明。開眼睡。悟即驚。
好問伊。是阿誰。共商量。莫相悞。快道取者。衆
生。剪商量。見非言。說知真語。即是非。盡
龍頭似馬。那個得便宜。拈話會頌。洞山

語孤孤。言淡人難措。舉目會宗風。喜負西來
祖。指通機頌。洞山寂寞。一無可有。無味
之句。塞斷人口。明心頌。禪不禪。律不律。
赤脚著鞋。水上立。大洋海底黑雲生。回頭西
山日初出。因事頌。五臺山上雲蒸飯。佛
殿堦前狗尿天。幡竿頭上煎餛飩。三个朝
夜數錢。牛兒頌。自牧一牛兒。出入無攔
圈。放在芳草中。毛色方能顯。朝去無人趁。暮
歸無人喚。其力不可當。有角無鼻緒。不使任
從伊。使著隨人轉。天下無荒田。盡是此牛變。
有人若覓伊。走去天涯畔。牽來似諸人。問汝
見不見。隨牛狗兒。家有一狗兒。駭小人

難見。終日隨牛去。未省使人喚。見客不作聲。
見人偏能善。擬議上門來。早是輸他便。好好
報。禪師。須著精神看。任汝重利人。不覺為死
漢。法身頌。法身寥廓過河沙。萬象森羅
共一家。法法盡含真妙用。莫將眼病見空花。
報身頌。報身具足無窮跡。現用分明勿是
非。^{十三}悟了始知言無異。休將巧妙用心機。^廿
化身頌。化身來往任縱橫。隱顯諸緣應萬
機。只這見心非不見。剛須見外強生疑。
洞山有一語。道得無用處。對面共商量。脫衫
著却袴。道本無言詮。言詮非本妙。對面共
商量。誰人能得了。洞山有一言。對答須提

舉。瞪目若思量。者漢去去去。彭殿直問和
尚。年多少。師乃有頌。一腸更一腸。相續已
年高。住持無別物。化導勿劬勞。勸人常有語。
不用苦切切。只為他不信。佛大即泥多。
十心頌。心是春。普雨山河及大地。滋酸鹹
淡甘。與苦盡。受春功。滋助力。心是水。任器
方圓與寬窄。或直隨人得。濁惡諸般。皆盡法
王法。心是火。熱得衆生煩惱。果枝葉。葉
皆榮。開得心蓮花。一朵。心是秤。萬戶千
門。同共用。纖毫輕重。自低昂。便合自知。不高
穩。心是尺。示與世人。生條直。莫教指下
有。推那地獄三途。難得出。心是斗。量盡天

永樂北藏

古尊宿語錄

第一九八冊

古尊宿語錄卷第三十九

士三

涯是非口堆山積岳在心思死後波吒親自
交心是燈照見人間黑暗心指教直行不
能行須作欺瞞地獄因心是鏡照破人間
邪典正對面言談恰似直背後猶來黑似漆
心是道凡聖同居月皓皓只於開處證菩提
便合如來真正道心是師係貫六賊不暫

二十一末

離時時呼喚在目前總使出門不奈伊

廓書狀上頌十載學玄微今朝方息機洞
山一句子落處少人知師却問作麼生是洞
山一句子書云遍塞虛空師云大好少人知
著却問作麼生是洞山一句子師云峴山亭
上無字碑

終

卷